

24 76
139
NICOLAI HEINSII


DAN. FIL. 34.7.E.11

ITALIA

ELEGIARVM LIBER.

Ad Illustrissimum Virum
CASSIANVM A PYTEO:

Accedunt alia.



PATAVII, TYPIS CRIBELLIANIS.
An. MDCCXLVIII. Sup. Perm.

NICOLAI HEINZEL

DAU 210

ITALIA

ITALIA

ITALIA

ITALIA

ITALIA

ITALIA



ILLVSTRISSIMO EQVITI
CASSIANO A PVTEO
 VIRO IN EXEMPLVM SÆCVLI NATO
 NICOLAVS HEINSIVS

D. D.



Confidenter fortasse facio, non tamen præter debitum, Cassiane a Puteo, integerrime omnium & humanissime Vir, qui invidendo præclari nominis tui splendore Musas hæcce illustratum co. A pudore quidem cum impetrate meo non possem, ut pedem ex Italia vestra moverem, sine publica tuorum in me meritorum confessione, nec ad manum tamen esset, quod expungendo debito sufficeret; a benignitate tua fiduciam sumpsi, & vel solam meritum profluentis conscientiam satisfacturam tibi credidi. Adeo nimirum facile ac pronum est, minimam etiam apud illos notam mali nominis evadere, qui superare beneficiis pulcherrimum ducunt. Nam, in Vibe nuper Aeterna cum hærerem, quod non ultima inter tuos admissione me dignatus es, summaque benevolentia fovisti, quid nunc dicam? Quæ quidem ego ut inter amicos occasione quavis non dissimulo,

ita hoc in loco transeuiſim tantum rango ; ne ad oſtentationem ea prædicare videar , aut modæſtiæ tuæ gravis ſim. Quoties recordor tui , recordor autem ſæpenumero , toties occurrit menti pulcherrimæ virtutum omnium imago. Contemplari quippe videor Romanos illos veteres incorruptæ probitatis exempla ; quorum genuinas reliquias in te venerantur , quotquot virtuti ſtudent. Accedit huc de antiquitate , de quæ uniuerſa eruditionis nomine bene merendi prolixa voluntas. Accedit ambientis Fortunæ contemptor animus , et Sapientiæ præceptis ad miraculum inſtructus. Domum illam tuam , tanquam ſacrarium Apolliniſ ſui , quotidie terunt , quicquid Romæ literatorum vivit hominû , aut quicquid Romam Tranſalpinis ex oris concuſſit. Statuarum ac marmorum quorumcunque nihil eſt ; nulla propemodum ex priſcis ruinis relicta monumenta ſunt , aut in lucem de novo proferuntur , quæ non tuis ſumptibus deſcribi cures ac delineari , verus vetuſtatis ſoſpitor , conſervator unicuſ. Nec in vivos minor tua liberalitas . Aegre proſecto perſuaderi mihi patiar , ex eruditionibus per Italiam uniuerſam inveniri quenkum , quem non beneficiis contiguus frequenter ſis demeritus , ac indies de mereare . Nec deſuerunt inter illos , qui certatim gratos ſeſe præſtitere , digniſq ; heroicum hunc animum præconiis immortalitati conſecrarunt. Ut ſeris nunc ad virtutum tuarum commendationem accedam . Quæ quidem cum nemini non explorata ſint , nec adulationi quicquam demus , Clariſſimo ac ſummæ eruditionis viro Lucæ Holſtenio , cum multas alias ob cauſas , tum hoc præſertim nomine , devinctiſſimum me profiteor , quod primus ad te aditum mihi pararit . Poteram mehercules , Vir Illuſtriſſime , ſola ambitione compulſus libellum tibi

tibi hunc videri inscripſiſſe, niſi beneficia tua, quorum rationem habui, et habere debui, ab omni vanitate me abſolverent. Quicquid ſit, de libello ipſo ominari bene liceat, qui tam auſpicato ſub patrocinio luci committatur. Si tamen et ſuo forſan nomine benigna Lectoris iudicia experietur, nec omnino diſplicebit: id terræ genio licet adſcribatur, omnium elegantiarum matris, in qua natus eſt, & quam potiſſimum commendandam ſuſcepit. An peccarim denique Lector eruditus viderit, dum laudes Italix illi viro inſcripſi, qui laudes inter Italos præcipuas & conſecutus eſt & meretur. Scriptum ipſum ludicrum, otiantis ingenii fœtus, in via, dum à ſeriis vaco, inter equitandum magnam partem conceptus. Quod monendum duxi, ne credas ipſe, & tecum alii, pluris a me vendi iſta, quam mihi conſtiterunt. Nam quod magnifice nonnunquam de me me iſvè verba feciſſe videor, id intelligi ſic nolim, quaſi hic mihi blandiar. Sed dolere et male iis eſſe volui, qui ferre in nobis non poſſunt, quod ad præclara aſpiramus, ac iuratos hoſtes noſtros hoc nomine ſe gloriantur. Antiquitatis certe imitandæ curam mihi fuiſſe non nego. Id feliciter an aſſecutus ſim, tuum tuiq; ſimilium eſt arbitrari. Puteane Illuſtriſſime, qui veteres elegantias in numero habetis. Mihi met proſectò ipſe nequaquam fatiſeci. At vero proclivis venia eſt inaccessa tentantibus, & magnis auſis excidiſſe non infra gloriam putamus. Amicos ac bene de me meritos quod libenter laudo, nimis & hic forſan nonnullis videbor, ac in mores ſæculi noſtri peccaſſe convincar. Nam qui plauſtra convitiatorum ſcriptis ſuis ingerunt, in obvies paſſim incurrunt, quoſvis irritant, quoſvis ſcurrili ſale petulanter deſcricant, ea denique audent,

Qua nec in Armeniis tigres fecere latebris,

illi demum magna nunc sunt nomina. quos ego hercule non plaris facio, quam belluas aut brutas pecudes. Illi vero, Vir Illustrissime, qui non amicos tantum, sed & hostes occasione quavis commendare solent, hunc ingenuitatis suę fructum ferunt, ut abiecti animi credantur. Impetrare equidem a me vix possum, ut existimem inter reptos nuper Americanos, barbaras aut inhumanas magis gentes esse eruditis nostri sæculi nonnullis. Arcam illam, quæ ad doctrinæ gloriā tendentibus patet, arenam esse dicas, in qua gladiatores committantur. Præda ac rapinis alienæ existimationis plerique suam tuentur, & latronum truculentissimorum in itinere grassantur per æternitatis semitam. quæ cum ampla sit imprimis ac spatiosa, angusta tamen creditur, nisi eodem contendentes quoquo modo submoveantur. Lapsos etiam, quos sublevare comiter debebant, obreunt porro ac conculcant. Vivos ubi involarunt omnes, cum umbris mortuorum ac larvis luctantur.

Cen trux Orestes aut mente captus Alcæon,

Vitricæ sed acum minatur Alcæto,

Diras læsunt, nec minus tremant Diras.

Mihi sic visum semper, candorem & modestiam optima humaniorum literarum condimenta esse. His placere tibi velim, Vir Illustrissime, si placeo. Pereat eruditionis nomen, & quicquid laudis ex eruditione quaeritur, si efferantur mores scientia, non emolliuntur. Sed maligna illa & contentiosa ingenia Divis suis exagitanda relinquamus. Iamdudum enim evenire scire, quod frequenter evenit, ut æquo longius me provehat loquendi tecum voluptas. Quod reliquum est, clementissimum Deum veneror, ut non hoc tantum

rem, quæ in nunc auspicatur, anno, sed sequenti usque
plurimis fausta tibi quævis ac fortunata largiatur, mihiq; ac
bonis omnibus superstitem te velit: cum solus sermo nostro
saeculo illuxeris, cui tuto sui patrocinium res literaria possit
credere. Vale, magnæ Laus maxima Remæ, cum Fratre per
omnia tibi simillimo: & si molestior confidentiorve visus
sum, cogita non gratis tibi constare summam cecitatem,
quæ ultro peccaturos invitat. Patavii. Pridie Kal. Januar.
Anni MD. LXX. LVI. II.



THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
BY
JOHN B. HENNING, ESQ.
OF THE BARR





ELEGIA PRIMA,
 AD
 HADRIANVM VALLIVM
 DELPHENSEM BATAVVM.

••• ••• ••



*Alli, Pieriis certissima gloria Delphis;
 Aeterno Uranie cui dedit ore loqui;
 Dic, precor, ecquid agit soliti te cura sodalis;
 Irritus in ventos an tibi cessit amor?
 Me licet a patria non mite diremerit aquor,
 Me procul amoti jugera tanta soli:
 Te tamen absentem grata sub imagine cerno.
 Crebra refert visus noxq; diesq; tuos.
 Nec penitus fixos conspectus lenit amores,
 Sequana, siue tuus, seu, Tyberine, tuus.
 Tu modo Dii faciant non aversere merentem:
 Certet in alterna mutua mente fides.*

A

Sic


*Sic patre, sic patria, vobisq; sodalibus olim,
Sospite sic domina sit mihi posse frui.
Sic oculis superes mihi charior una duobus,
(charior optata qua mihi luce soror.
Mars pater, & vigilis sacraria Troia Vestæ,
Et patria profugi numina Tencra Lares,
Æneadumque Erycina parens, Tristoniaq; hospes,
Tuq; Palatini, Delphice cura iungi,
Quos Anchisiades prisca pietatis imago
In Latium Phrygio vexit ab orbe Deos,
Alitibus saluete bonis mihi. tu quoque salve,
Si quid id est, rerum, maxima Roma, caput.
Quamlibet externis non adsum barbarus oris;
Tangere qui cultam vix mereatur humum.
Ille ego proge natus focis tibi, Diva, Batavis.
Et mea Latio numine tacta domus.
Et mihi ferta parant Romana civica Musa.
Et mihi Nasonis credita visa tui.
Nasonis mihi vita tui, nec cultius ullum
Ausonis ingenium fertilisq; tulit.
Tu quoq; Tanariis, Ovidi, latare sub umbris:
Hospes, barbaricem qui tibi tollat, adest.
Te testor, nec parva tuos mihi numina Manes;
Officium cura nil caruisse sua.
Si tamen in niveo tibi corpore menda supersunt;
Sera vetustatis, non mea, culpa fuit.*

ELEGIARVM LIBER.

3

Sufficit hoc umbris, at tu, Dea magna, faveto;
 Auspicii que ratem dirigat aura tui.
 Non ego sidereo rutilantia marmore tecta,
 Fulva sub auratis non ego templa tholis,
 Non vastas ego miror opes, orbemque redactum;
 Qua patet, & famulos sub tua iura polos.
 Hac olim Fortuna tibi. nunc rudera passim,
 Et cinis, & tanto nil nisi fama loco.
 Ingeniis superasse orbem, laus tempore maior.
 Ha te commendent, has ego mirer, opes.
 Scilicet acceptum, quod nunc quoque, Diva, videris,
 Nunc quoque quod superes, vatibus omne refer.
 Tybri, decus fluviorum, undarum gloria, Tybri,
 Non minus Aonio gurgite numen habes.
 Quin maius quoque numen habes. nec Gracia, quanquā
 Fertilis ingeniis, anteferenda tibi.
 Me iuvet in flava cessare crepidine ripa;
 Me terere illa tuo gramina trita choro.
 Aut meus Idalio qua Naso saucius æstro
 Movit Apollineis amula plectra modis:
 Vel qui Meonio palmam sublegit Homero,
 Musaque Dircas par Venusina lyra;
 Plautinusque lepos, & summa Terentius artis;
 Quiq; canit thalamos, carula nupta, tuos.
 Vel senis & Actai Gargettia castra sequenti
 Semina per rerum cui grave surgit opus;

*Cynthiaq; Ausonii numeris cantata Phileta,
Cumq; sua Nemese Delia, primus amor.
Hos, Valli, si Musa mihi tua venerit inter,
Nil desideris later abesse meis.*



ELEGIA II.

AD TYBRIM.

Tybri, fave: tibi nostra, pater, nunc vela moventur.
Sentiat afflatus fac mihi cymba tuos.
Cymba, bicornigeri ripis licet edita Rheni,
Ludere, Tybri, tuis non rudis illa vadis.
Vastum iter est, quod inire paro: da robur eunti:
Ardua prarupta da superare via.
Iam mihi fulmineas Batavorum in praelia dextras
Stat, pater, immensa condere molis opus;
Liberaq; & dominos colla indignata lupatos,
Auriaci immeritam vindicis ulta necem;
Transtraq; sanguineo stragem cumulantia ponto,
Et bene pro patriis arma cruenta focis;
Et dira Albanum satiari cade negantem,
Emula quem Stygiis torret Erinnyis aquis.

Hæc

ELEGIARVM LIBER.

5


Hac olim. nunc, sancte, fave pacata sonanti.
Serviat in plausus hac mihi scena tuos.
Plectra virum graviora manent: sibi prima juventa
Rite pharetratus tempora poscit Amor.
Sic pugnam proludat equus mihi, sic fera discat
Classica non trepida belliger aure pati.
Idaliam nec te negat. Ilia nosse pharetram:
Et Venus Ænea non aliena tuo.
Ecquid amat mea Lux profugum deserta poetam?
An, pater, excidimus, cura; nulla mei?
Num cadit in faciem levitas (quod abominor) illam?
Ad tam formosos num facit ulla sinus?
Me miserum, Tyberine, domo quod de viis absum!
Ab quam stultitia causa pudenda mea!
Non mihi sit tanti Teucros celebrare penates,
Et de Pergameo mœnia nata rogo;
Non rerum quendam dominas lustrare ruinas,
Et quod ab aterna nunc super urbe manet;
Nescio quis nostris exsulet ut ignibus hospes:
Vtq; mei partes alter amantis agat.
Non me Pompeia spatiatrix turba sub umbra,
Vosq; puellari plausa theatra choro,
Non circi, non templa juvant, non compita, non me
Martia virginis gramina trita rotis.
Plus aliquid mea Leida, (velim quod posse negari)
Ab mea Leida aliquid plus, Tyberine, tenet.

Tænitet heu sero, sero piget isse per altum.

Rivalem quam me nunc iuvet esse meum!

Iupiter, externis inhumatus ut occubet arvis,

Qui rate caruleas primus aravit aquas!



ELEGIA III.

AD

VINCENTIVM FABRICIVM V. C.

V Incensi, quem Calliope, quem tota sororum
 Nascentem Clario fovit in amne cohors;
 Qualis adhuc teneros pugnax Germania fœtus
 Exploraturis durat in arma vadis;
 Qualis Emonio lustravit mater Achilli
 In Dis iuranda nobile robur aqua;
 Te tuus e Latio procul Heinſius orbe ſalutat,
 Nomen ob expertam non tibi vile fidem.
 Fallor? an apparent inſpecta ſigna tabella,
 Literaque auctorem prodiſt amica ſuum?
 Apparere liquet, nec enim poteſ, optime rerum,
 Tam tibi dilectam non bene noſſe manum.

*Me tenet Assaraci regnata nepotibus olim.
Septeni spatium Dardana Roma iugi.
Roma triumphatis metuendum gentibus omen.
Hei mihi, quam faciem non habet illa suam!
Rudera pro priscis ostendat fœda trophais,
Funeris ab quanta mole superba sui!
Romani cineres, et quæ damnata favillis
Tectæ ruinosam lapsa subistis humum;
Tarpeique solo moles aquata Tonantis,
Et frustra Iliaco sacra negata rogo:
Hæc sedes augusta Deum; sic barbarus ignis,
Sic te sacrilega diripere manus?
Ten' tueor? tene, alma parens? ubi bellica virtus,
Nunc ubi maiestas numinis illa tui?
Tunc subæctarum moderatrix ardua rerum?
Tunc ille edomiti Martius orbis apex?
Quæ fors dissimilem tibi te facit? anne vel ipsas
Temporis exagitant iura maligna Deas?
Nec tamen usq; adeo penitus cecidisse puteris,
Pectine Fabricii nunc redi viva mei.
Sic Amphionia scenarum crimina Theba,
Pergama sic Claria surgere iussa tyra.
Ipse loci genius, nec adhuc sine numine tellus,
Nescio quid, quare me sibi iungat, habet.
Seu nunc Herculei me Tyburis ora moratur,
Consita pomiferis Tyburis ora iugis;*

*Qua scopulo lapsis Anienus inastuat undis;
Et procul audita saxa fatigat aqua.*

*Seu Circaea trahunt viridaria: quaq; tepentem
Fontibus egelidis temperat astus humum.*

*Iugera Telegoni saluberrima; non ego vobis
Pinguia consulerim fertilis arva Phari:*

*Non ubi Achimanio Panchaia fragrat amomo,
Aut qua thurilegus culta Sabaeus arat.*

*Sive pharetrifera nemoralis Aricia Diva
Me trahit, aestivo silva petenda die.*

*Quaq; Numa coniux, Phrygiaq; Numicius Anna
Raptor amatrices gramine vestit aquas.*

*O non lustrande properanti lumine sedes,
Arvia Pegaseorite dicata choro!*

Sed desiderium deserti mise parentis

Iam monet, & spontis me negat esse mea.

Cui nunc conspicuis meditantis sacula chartis

Pleorat ad Aonias amula turba fores.

Hac eadem te, dulce caput, manet ardua merces.

Non tu Lethais prada futurus aquis.

*Me quoq; non totum quo postera negligat atas,
Glorior ingenii pignus habere tui.*

ELEGIARVM LIBER.



ELEGIA IV.

PAVSILYPVS


AD CASPAREM KINSCHOTIVM.

Pausilypi myrteta, & odora laurea frondis,
 Laurea Castalio grata corona Deo,
 Obvia caruleas cui Doris porrigit ulnas,
 Et liquido tremula murmure plaudit aqua;
 Frigore quam placido Zephyritis temperat aura;
 Onunquam tacita garrula silva coma,
 Tu mihi concilia somnum ocyus. ocyus agro
 Tædia prærupta tu mihi falle via.
 Excipe me viridi gremio, nemus, excipe lassum.
 Sic amet umbrösam plurima Nais humum.
 Sic pia pacatö Ceycis ab aquore coniux,
 Mæstaque in aëria Daulia fronde parens,
 Fletibus alternam querulis tibi mulceat aurem;
 Lugeat hac natum, lugeat illa virum.
 Delia perspicuis sic se miretur in undis,
 Et Saisyi taëta submoveantur aqua.

Hac me, Kinschoti Venerum pater, ora moratur.
 Sape mihi totos hac rapit ora dies.
 Sirve sstim patior, sitienti grata palato
 Prada fluunt manibus citria mala meis:
 Nec mitem arboribus desunt stillare liquorem
 Aurea dempta suis, Punica dempta suis.
 Pampinus hinc ulmum socis complexa racemis,
 Hinc picturato germine ridet humus.
 Et modo littoreo speculamur in aggere fusi
 Otia tranquilli temperiemque maris.
 Et modo, sed facili, properat mihi carmen, avena,
 Victuris utinam Musa benigna modis.
 Te tamen imprinis, te suspiramus abesse,
 Vilis o chara non mihi luce caput.
 Nulla placent sine te mihi gaudia, nulla voluptas.
 Vatis inoblita plurimus ore tui es.
 Hoc equidem nostis, reor, avia. vos mihi testes,
 Et stupet ad sanctam conscia silva fidem.
 Forsitan hac olim requieverit Actius umbra,
 Actius Ausonia fama superba lyra.
 Illum Aganippæa raptum iuga Mergilina,
 Et vidua Siren flesse putatur aqua.
 Tu quoque mutasti veterem, Philomela, querelam.
 Justior hinc lacrymis & pia caussa tuis.
 Non facit invidiam dolor hic sibi, Tereos uxor.
 Quam bona nunc mater, quam bona nupsa fores

Tune eadem, aeternam tun' flesti hic ante Maronem,
 Daulias, ab mastis ingeniosa modis?
 Tun' tantum, infelix, speraras ferre dolorem?
 Quid tibi tunc animi, quid tibi mentis erat,
 Cum gemitus Phœbea pios ad busta trahentem
 Percita funestis silva secuta sonis?
 Audit, & admonito geminantur vulnera luctu.
 Flebilius certe, quam modo, visa queri.
 Perge queri, miserranda, queri sine fine memento
 Sincerumque tuum, Virgiliumque tuum.
 At mihi sit sanctas venerari cominus urnas,
 Aonium Tempe Parthenopæa nemus.
 Tene Maro tumulum legit sibi; tunc Maronis
 Ossa forbes placido, silva beata, sinu?
 Exulet, ingenium qui non habet; exulet inde,
 Face Epimethæi plebs male ficta luti.
 Iam minus admiror tua nomina, culta Vetustas.
 Difficile hic Clario non caluisse Deo.
 Ipse ego, Teutonicum modo natus ad ultima Rheni,
 Ausus in Ansonios plectra movere modos.
 Dii facerent, cælo nasci licuisset in illo!
 Patria, da veniam; rustica terra tua est.
 Non tibi Pausilypus Peneida ventilat umbram:
 Fragrat in infausto laurea nulla solo.
 Non platani genialis honor; non myrtus amatrix:
 Non viridi luges qui, Cyparisse, coma.

*Nescit odoratam spirare Favonius auram.
 Non tibi perspicua fons salit uber aqua.
 Non festinat am ter colligit area messem:
 Non licet Autumnobis dare poma tuo.
 Ab nullo patriæ genio loquor: Et tamen egi
 Per tibi damnatos orgia, Phæbe, lares.
 Quod superest, Pataren pater, annue, debita posco.
 Non ego sim domui gloria prima mea.*



ELEGIA V.

IN NATALEM

PARENTIS SVI.


S *Acra vocant patrio facienda domestica Phæbo.
 Nunc mihi, si quando, Calliopea, veni.
 Fer tecum Charitesque tuas Clarasque sorores,
 Et Paphios Paphia cum genitrice Deos.
 Vulgus, io! procul hinc: procul hinc secedite, Vulgus.
 Tu quoque cum vulgo deside, Livor, abi.
 Nunc libet innocua sacraria pandere Musæ;
 Ferre per Ausonios nunc mea vela sinus.*

*Parthenope Phœbea, fave pia sacra moventi ;
Si facile hospitium vatibus ora tua est .
Eia agite huc, Nympha Sebethides : huc mihi, Nympha,
Plena Dionais ferte canistra rosis .
Jam mihi Pausilypi croceos in vertice flores
Legit odorato gnava Thalia sinu .
Ipsa Maronei genium spirantia busti
Serta tulit lauri, myrteaserta tulit .
Da cytharam, da plectra, puer, cyathosque merumque .
Curarum protul hinc non mea cede cohors .
Amphora nunc veteris spumet generosa Falerni,
Tuque Vesuviacis Bacche repositæ cadis ;
Cacubaque ; Et lati genialia Massica floris ,
De Surrentinis lecta saliva iugis .
Thura focis dentur natale piantia tempus ,
Salsaque cum liquida Pallade mixta Ceres :
Libaque, verbenaque, Et si qua denique magnos
Exorare solent munera blanda Deos .
Thura focis dedimus : qua dentur vina supersunt .
Cernis, ut affuso gaudeat ara mero ?
Lætæ ferant Superi, precor, omina. sternuis omen
Flamma repentinam ter iaculata facem .
Accipio : votis Deus annuet . annuet, Hei nesci .
Incipe iam facili tu modo vota Deo .
Candida Lux, o luce dies iucundior illa,
Qua mihi vix nato risit uterque parens ;*

*Qua meritis præcer aqua tuis, Lux facta bonorum:
Ab labat in tantocymba pusillamari.
Tuncque ab Æoliis unquam temerere procellis:
Nec fer inhumani nubila regna Norbi,
Rideat, ut risit, placido tibi Delius ore
Semper, & in festis te sciat esse suis.
Sape coli salvo possis mihi, sape parenti.
Te quoque in Elysia, Lux bona, valle colam.
Festa dies, salve, tibi enim, tibi tota remisit
Roma suas Veneres, Gracia tota suas:
Cessit Idumaam Solyme tibi præsca palmam,
Deque Palæstino raptâ trophæa Syro.
Sic mihi fas titulos non dissimulare paternos:
Pace loqui, Livor, sit mihi vera tua.
Aut si iam venie non est locus; arma parentur:
Pluris amicitia fûnia paternata tua est.
Virtuti fatale malum, comes amule Musis,
Livor iners, plora: rumpere, Livor iners.
Dii facerent, præsens natalia vota parasset;
Vota minus fido non bene danda Norbo.
Sic tamen adveniant, quo mittimus: & procul, oro,
Mollior in patrias devehat aura manus.
O sanctum genitor gnato caput, exige seros,
Exige soniveos & sine nube, dies.
Tu vitam lucisque iubar, tu cuncta dedisti:
Si qua mihi veniat gloria, tota tua est.*

ELEGIARVM LIBER. 15

*Te duce Pieria penetrauimus in uia rupis;
 Nota parum vulgo te duce trita via est.
 Gratia Dis, Genioq; tuo, quod non ferat olim
 Inter Apollineos nomen inane choros.
 At tibi dent annos, dent longam fata salutem,
 Deque meis annis, deque salute mea.*



ELEGIA VI.

A D

PAGANINVM GAUDENTIVM.


V C.

ME foveat Inarimes scopulosa Typhaëidos ora,
 Ora sub Icarii sidere grata canis:
 Quā rigui fontes, scatebrisq; perenniibus unda,
 Et placidum strepera murmur oberrat aqua,
 Blandaue temperies, & amica frigus ab aura,
 Et nunquam Æoliis in uia myrtus equis.

Hic

*Hic mihi nunc præstat locus otia: se tamen ora
Præstat, Hyantea non satis apta lyra:
Et modo frigenti mulcemur pectora lymphas;
Et modo sulphurea fonte calemus aqua.
Si qua fides, tellure satus genitrice Typhæus,
Cui centum gemina brachia vasta manu,
Mole sub hac Paphia tentata cubilia Dive,
Perfidaque in dominos nunc luit arma Deos.
Sape sinum imposita molitur & intima terra:
Sape gravem tosta fauce perurit humum.
Pelion hic Ossæ congesserat, Ossæ Olympo;
Ausus in æternum cominus ire Iovem.
At pater armato scopulis & inane frementi
Fulminis impexit tela trisulca sui.
Haud tulit; & fracto resolutum pectore robur
Fluxit ab æriis in salis alta iugis.
Idalis è patrio, iam non fugitiva, profundo
Risit amatoris vulnera cruda sui.
Protinus obductum cumulatâ corpus arena,
Umbraque arenosis myrtea nata iugis.
Ipsa loci facies, sentis licet horrida dumis,
Frigoris illecebra non inamœna sui est:
Cum furit æstivis per hiulca vaporibus arva,
Flammaque pulveream Siria torret humum.
Hactenus Inarime. nunc te, Paganine, canemus;
Lucida Palladia fax, Paganine, via.*

Hospitii quem iura mihi, quem gratia morum,
 Cautaque simplicitas, nec simulata fides,
 Quem mihi praeipue sociavit candor amanti,
 Candor in Aonio rarus, amice, choro:
 Nec domus ad pompam, sed Phæbo operata supellex,
 Quaeque queant Claras tecta decere Deas:
 Delicisque carens, & honesto facta voluptas:
 Gaudiaque innocui, non nisi plena salus.
 Cecropio se mensa probat condita lepore;
 Prodigia nec nimii, nec tamen orba, cibi.
 Sobria sic avo vixit sapiente vetustas,
 Artificis luxum nescia ferre gula.
 Mox venit ad partes Indorum victor Iacchus,
 Iuncta racemifero nec male Musa Deo.
 Adde bonos vultus, & lumen amabile visu;
 Et laeta frontem qua dapis instar habet.
 Adde iocos risusque, & apertum pectus amicis.
 Ferreus est, si quem non domus illa iuuet.
 Ipse quoque his capitur Medicus sedibus heros;
 Parvaque fulmineum tecta tulere Ducem.
 Arne pater, pater Arne, novem dilecte Deabus,
 Gaudia tam lata quot tibi nata die!
 Stagnamens spernat Paganinus inania Lethes;
 Uindicat a Parcis hanc pia Fama colum.
 Vos modo, si precibus, Superi, locus, addite vitam;
 Addite, quam domino scripta dedere suo.



ELEGIA VII.

AD V. C.

IOHANNEM FREDERICVM
GRONOVIVM

Non sic Ausonia genius, Frederice, beata,
 Illa Aganippaa terra secunda lyra,
 Non gelidi fontes, non Parthenopeis Aedon,
 Quaque Dionaam myrtus odorat humum,
 Ut patriam curam mea, geni torque relictus,
 Urat: Et annosam vix bene ferre moram est.
 Jam mihi Trinacrios flet erat lustrare Sicanos,
 Qua Polyphemeis aestuat Aetna iugis:
 Stagnaue sulphureos non periuranda Palicos,
 Et gratum liquide gurgite Pergon aqua.
 Vicit amor chari genitoris inutile votum,
 Et stetit in cursu sponte carina suo.
 Ausoniam spectasse sat est: agnoscimus omen.
 Carbasa tam patrios nostra subite sinus.

Flaua


Flava comas e Arethusa, Elei Nympha Tonantis,
Qua sale non tacta Dorida fallis aquas;
Ergo ego sim sine te, pulcherrima? nec mihi desur
Plectra magisterio culta ferire tuo?
Serta Syracosia nectant mihi nulla Camæna?
Sedibus admittat non Erycina suis?
Non assultantes de vertice metiar undas
Sive, Pachyne, tuo, seu, Lilybee, tuo?
Vel qua spumiferam scopulosa Pelorias iram
Nereos, & fractas caute superstat aquas?
Heinsiade, nugaris: agunt iam carbasa venti.
Sit pudor, invito vota fovere Deo.
Trinacria est, ubicumque pater. pater ipse Batauo
Iam tibi Sicaniæ littore pascit oves
Quas illi moriens Phœbei natus Iuli,
Maxima Libethro fama, reliquit opes.
Hospita nunc revocet cantu licet illice Siren,
Auribus imponant quam nihil illa meis.
Desine flexanimis, Acheloo nata, querelis:
Non audistum iam sollicitare ratem.
Desine: nequicquam surdo blandiris amanti.
Quid in vat illecebras perdere, Stulta, tuas?
Stulta, trahit profugum patria canor ille Thalia.
Voce tua melior vox mihi rumpit iter.
Me meus Aonius Gronovius induet ulnis.
Ab pereat, si quem non manus illa trahit;

Digna vel Ansonia Sadaultrice vetusta!
(Quam procul a Latio nunc Venus ista suo!)
De me, Eui, facile est, si rumpet stamina Clotho.
Hanc modo detexat Parca benigna colum.
Ecquando mihi tempus erit, post dura viarum,
Cum fruar amplexu saluus, amice, tuo;
Cum bene narrabis reduci mihi, quaque saluti,
Quantaque libaris pocula, quotque, mea.
Sape salutatis tua venit epistola nobis;
Redditaque in profugas crebra tabella manus,
Egit & hoc tecum Kinschotius; egit, abunde,
Vltius, ille animæ tertia cura mea.
Vix duo præterea de tot mihi nuper amicis.
Cætera de sularix turba levisque fuit.
Dii tibi dent mirosque, precor, lectosque sodales:
Dent sibi constantes, dissimilesque meis.
Posteritas hanc fera fidem mirabitur olim,
Pace tui Pylade, pace et, Oreste, tua.
Non Ixionides cum Mopsopio Ægida
Solus ad infernos venit, amice, lacus.
Horrida me Stygiis Acherusias unda tenebris,
Me premit ignava tristis Avernus aqua.
Proximus Umbrarum sinus est, campi que silentes.
Huc tamen & fidam non piget isse manum;
Vix licet ulterius tibi pergere, deficit orbis.
Sistimus hic socium quin, Frederice, pedem:

ELEGIARVM LIBER.

21

*Tu modo longinquum merito laudatus amicunt,
Vt facis, alloquio perge fouere pio.*



ELEGIA VIII.


CVM NEAPOLI

LIBVRNVM NAVIGARET.

A *Eole, cœrulei demitor maris, Æole, pontum
Quique negas cupidis quique remittis equis;
Comprime Cimmerio violentos carcere fratres,
Et faciles aditu sterne parumper aquas.
Aura, pater, satis est tenuissima: sufficit aura,
Carbasus Hetruscum dum mihi tangat humum.
Innocuum serua caput, Æole: parce merenti.
Prada necaturo non ego lauta mari.
Ab pereant, per quos alii periere: nocēque,
Si qua nocens furtō, sanguine si qua manus.
Non me formatum capiunt spectacula, non me
Vana peregrinis vivere vota locis:
Curave distractis geminandi mercibus auri,
Aut bona possessis plura paranda bonis.*

Musarum violentus amor, per iniqua viarum,
Vietaeque tot terra tadia, vieta salo,
Egit in Ausonium Troiani litus Iuli,
Et rerum domina Martia regna Dea.
Redde, precor, patriis complexibus, Aeolae, natum.
Dona tuis iam nunc quanta parata tholis!
Audimur, posuere Nothi per amicus aquor;
Et mihi blanditas aura serenat aquas.
Otia Parthenopes, et amatum litus Iaccho,
Litus Acidalia cura vetusta Dea,
Hospitum Nymphis Achelvisin, o bona tellus,
Quam canor, & chorea, plectraque pulsa iuvant:
Fragrantes scopuli, Pindoque simillima Tempe,
Enthea Phœbei culmina Pausilypi,
Halitibus Zephyrcrum, & odoriferis myrtetis,
Fœtaque Peneae germine frondis humus;
Terque trium conspecte ebely Sebethæ Dearum;
Aitica Bistonum qua gemit ales Ilyn;
Transstra vocant, Sebethæ, vale: quem dia per orbem
Vexit Hyantæo Musa Maronis equo.
O Vesuvi veteta, o pampineum Surrentum,
O Tritoniaco termite pinguis ager,
Cui Dea bis frugum sacundo ridet in anno;
Bis Pomona suas prodiga cedit opes.
Non ego Lucrino vicina Dicarchidos arva,
Non ego Baianas nomen Amoris aquas,

Non gratum Euboica Cumas penetrale Sibylla,
Antraque fatidici persona voce Dei,
Non te conspiciam posthac, mitissime Nereus,
Pene magis, Nereu, litore blande tuo.
Qua tubicen mordet Latiam Troianus arenam,
Nec procul Elysia repit Avernus aqua.
Daulias Ismario crimen Philomela tyranno,
Coniugis in nato qua scelus ulta tui;
Daulias Aonio resonatrix amula plectro,
Quam reor Heinsiacos iam didicisse modos;
Cura mei tibi ne, precor, excidat: hanc bene serua,
Ah soror, ah coniux, ah miseranda parens:
Hac olim placuere: volans nunc lintea ponto.
Quid trahit elapsas fera catena manus?
Nil agis illecebris: non sum tuus, improba Siren:
Alterius Nympha dicar oportet amor.
Nympha capi natum sibi vindicat altera pectus;
Prima Charis patria Nympha venusta mea.
Nympha decus foimarum, & Apolline plena Batavo,
Teque minus fallax, teque pudica magis.
Nil mihi iam tecum, nequissima. nil mihi tecum,
Parthenope falso nomine dicta. vale.



ELEGIA IX.

EPICEDIVM

FRANCISCI ROVAI

POETAE FLORENTINI.

Siquis amicorum Rovaiam plangis ad urnam,
 Quamlibet in flendo funere, parce queri.
 Fama viri patrum spatiosa perambulat orbem,
 Ausonia patitur si tamen Alpe capi.
 Maxima festina solatia mortis adeptum
 Vindicat a Stygia turba sodalis aqua.
 Planctibus Aoniis, & Plæbeo ululatu
 Ad sibi constructos turba sonora rogos.
 Precipuum quos inter agunt ad sidera marmur
 Suada Cavalcantri mellea, Suada Dasi;
 Et cum Gaddiade facundi Donius oris,
 Pectora Castaliobis duo ficta luto.
 Neu soli pietate tibi, Francisce, probentur,
 Me studius profugum demeruerè suis.

Hos mihi confugium patria tellure remoto
 Di, precor, o satis sit superesse meis.
 Ligneus ad cælum cumulat is agger acervis
 Creverat; aëria subdita tada pyra.
 Vix strue collapsa subsederat ardua moles;
 Impetus est tepidis iam legere ossa rogis.
 Ossa rogis iam lecta viri, monumenta leguntur;
 Scriniaque in cupidas iussa venire manus.
 Si qua movent raptum mortalia, iusta negabis
 Posse dari tumulto nobiliora suo.
 At tu, Pegaseam meritis quicunque coronam,
 Et Clarium dextra verrere doctus ebur;
 Ne nimium tibi fide: nocent & vatibus Umbra.
 Hic quoque Styx multum barbara iuris habet.
 Imminet a tergo cantantibus invida Clotho,
 Et secat abrupta non sua fila lyra.
 Quo tibi iam pernox vigilata cura Camæna,
 Nec tempestitiva ducta litura manu?
 Cum rapiant tenebra damnatis scripta lucernis;
 Totque premant noctes Tanara nocte sua:
 Pierios similesque tui conquire sodales:
 (Hac ope nitendum, Delia turba, tibi)
 Vltima qui solvant victuros munera fletus,
 Ossaque cum sparso carmine sparsa legant:
 Quod nisi vulgasses aternam Æneida, Caesar,
 Asaraci Phrygium non legerere genus.

Ductaque per versaster quinque volumina formas,

Funere de domini quam bene rapta sus!

Arma virum nosset quis Pompeiana sonantem,

Si Latio doctum Valla negasset opus?

Quid fidus non praeestet amor? fas rumpit Averni,

Et formidata Dis vada tranat aqua.

Ismaris Eurydice, Rhodopai cura mariti,

E Rhadamanthea prima rapina domo.

Eumenis anguineo non illum armata flagello,

Tergeminaque minax terruit ira fera.

Mox alius eadem fiducia nata poetis.

Audit Apellineos ianua surda modos

Ecce novo cultu Rowaius, & integer avi,

De Styge Tanaria, nec revocandus, adest.

Pone pias lacrymas, Hetruria; pone: revixit

Ille tui plausus, et lepor ille tuus.

Cum posset fama se credere, maluit ultro


Per sibi tam charas sacula ferre manus.

Rumparis, Lethae palus, de vate relictum

Nil tibi, quod possis ducere iure tuum.

Pectine Persephoen cythara Rowaius eburna

Noluit, & poterat, flectere: flexis amor.



ELEGIA X.
V E N E T I A S
CVM ADVENISSET.

Altius hinc, Erato, jam tollere: magna sonamus.
Quid trabis alternum, Pieri, lassa pedem?
Num tibi Penini nocuerunt saxa maligni,
Saxa procelloso semper aperta notho?
An tibi Parthenopen fugienti carula Doris
Concita turbatas per vada movit aquas?
Tangimus Euganeos Ideæ novalia colles.
Iam prope decursam perfice, Diva, viam.
Phæbe, fave: tuus ille labor. recidiva canetur
Dardanis Hadriaco nunc mihi Troia mari.
Quam neque fulmineis pugnax Germania castris,
Pilaque Teutonica freta Latina tuba;
Hellespontiacæ quam nec fera cornua Luna,
Armaque damnata perfida mora manus;

Non

Non libertatis subfessor fregit fberus,
 Non Capitolini tela trifulca Dei.
 Quid memorem attonito minitantia culmina cælo,
 Templaque miratos aurea Solis equos?
 Tempia polum rutila Phæbumque hebetantia vena;
 Et tot congestas, quot velit orbis, opes?
 Vive, triumphatrix Dea temporis unica, vive;
 Quosque peregisti, per tot agere, dies.
 Te neque triverunt pereuntibus invia rebus
 Sacula, lassata iam duodena rota.
 Non valuit Mavors evertere: quamlibet armis
 Jam tibi contiguam depopulatus humum.
 Ipse licet rerum veniat pacator, ut olim?
 Nil agat Herculeæ robur inane manus.
 Surgite Pergamæ, pia culmina, surgite, turres.
 Quantus Abydenis finibus horror inest!
 Sensimus augurium: gembunda Bosphorus urna
 Mugit, & attonitis sternuit omen aquis.
 Sume mares animos, gens Ilia. poscit Idume,
 Poscit io Solyme rursus avita capi.
 Iam tremis expertos Byzantia terra triumphos.
 Iam tibi dat famulas, ceu dedit ante, manus.
 Causa tibi, cælum tibi militat. adiuvat ipse,
 (Vincere quid dubitas?) adiuvat ipse Deus.
 Non te millenis consternet carbasus alis,
 Barbaraque innumero remige mota ratis.

Ipse suos Neptunus aquis defendet amores,
 Et thalami pretium palma futura tui.
 Debita da nuptæ sponsalia, rector aquarum.
 Non potes Euganeos dissimulare thoros.
 Coningis Hadriacæ Teucros, Neptune, penates,
 Et, quos struxisti, sancte, tuere lares.
 Munera si data sunt, pater, annua; plura dabuntur.
 I nunc, Dardaniæ parce probare fidem.
 At vos, cempta Dei gens sanguine, sanguine Christi
 Empta, quid infandas asperat ira manus?
 Cognato toties sceleratum vulnere ferrum,
 Si modo quis superest, sit satiasse pudor.
 Non serpentigena Cadmeia semina fratres
 Fata per alternam sic subiere necem;
 Aut quos Phasiacis concurrere vidit in arvis
 Thesalus intacta primus arator aquæ.
 Si pugna tam pronus amor, tam certa cupido
 Sanguinis; Odrysia diripiantur opes.
 Hic sese Mævors exerceat Europaus.
 Huc agat arma Deo iusta probante furor.
 Treiciis victrix iugulis immergite ferrum.
 Diræ Palestinæ victimæ sternat humum.
 Hac consanguineis mittenda piamina bustis:
 Crimina fraterna sic abolete necis.
 Vix tandem erubere. vides, ut in ægmine murmur?
 Tela verecunda iam posuere manus.

Sacra tibi, Pietas, en induet arma Juventus:

Ex ventura meo Delius ore canit.

Milites Iliacorum Antenore castris,

Et terat Eoas Hesperus ultor opes.

Sic Venetum dici se gestiat Hadria semper,


Bosphoreoque neget libera cella jugo.

Purpureo sic cultu & majestate togata

Gaudeat Ausonii Diva superba maris.

FINIS ELEGIARVM





ODE.

DE

AGRO NEAPOLITANO.

Q Vis me Deorum cœrula nubium
 Raptim secantem, quis propere nostros
 Nimbosque tranantem aëtuosos
 Sistat agens laribus paternis?

O lata aprica prata Batavia!

O Rhœni ad undas graminei thori!

O mite Lugdunum! o relicta

Certus amor validusque terra,

Tu cor peruris! heu comitum manus,

Heu candidorum turba sodalium,

Quiscum serenos sæpe soles

Aonia fidis illecebra

Duxi beatus! nunc videt exulem

Campana Thusco Doris ab alveo

Myrteta lustrantem otiosa

Parthenopes, & odora Tempe.

Sive hinc Pelasga rura Dicarchidos,

Seu, quo sepulchus Tros iugum,

*Littusque Lucrino superbum, &
 Sulfureis geniale Baiis
 Calcare lassor. seu sterilem hinc locum,
 Fumisque & atro vortice torridum,
 Phlegmamque damnatam per avum
 Fulgureos glomerare nimbos.
 Quatrux trifulcum missile Iupiter,
 Afflati adactum visceribus soli
 Contorsit in fractos gigantes,
 Terrifica monumenta pugna:
 Siue hinc paludem specto Acherusiam,
 Cunctis natanda vestibulum Stygis,
 Ripasque sub terram meantis
 Nunc avibus placidas Avernī.
 Hinc culta Jaccho quid memorem iuga,
 Quid Phæbo amatam fatidico specum,
 Fœtasque responsis latebras,
 Euboica penetrare vatis?
 Sedem hinc nefandi quid Tiberī canam?
 Quid fixam in altis Jnarimen vadis,
 Cui membra suppositus Typhæus?
 Quid tumulum Procyten Mimantis?
 Vidi & perustis horriferum iugis
 Late Veserum, nuper amabilis
 Lymeta vestitum Lyæi
 Germine Palladiaque oliva.*

Cum voluit igneos asper anhelitus
 Telluris alto Mulciber e sinu;
 Ruptique concussis cavernis
 Culmina diffiliere montis.
 Obsesus ather sulfurei globo
 Nimbis intonare. hinc saxaque cerneret,
 Vndamque flammamque ac vaporem
 Aerias super ire turres.
 Mors hic per agros: hic lacryma & fuga.
 lamque hausta dira cuncta voraginis
 Occursu. at Oenotras per urbes
 Attonita emicuere matres.
 Experte stagnis quid tumidum secas,
 Heinsi, profundum ne temerarius,
 Ne crede rupibus procellis
 Invalida tabulata cymbe.
 Dircea non te Phocaico patri
 Enixa mater: non tulit entheis
 Bæotus Jsmenos fluentis
 Jcaria intrepidum ruina:
 Dum cursu arantes inviasiderum
 Non emulando persequitur Deas,
 Discussus ex alto Pyreneus.
 Tutus humi leviorque lapsus.
 Quin plectra tentas ad Batavos redux
 Olim penates. non ego cognitis

Maiora de magnis locutus;

Non dubis metuendus oris;

O quæ relictis gaudia tum patris;

O gratulantium quanta sodalium;

Non absque Rhenani baurisendis

Pro reditu cyathis Lyai.



Ad Eminentissimum Principem
FRANCISCVM BARBERINVM
In Galliis hærentem.

V Nica spes Musis, Patruī post fatā, Lātinis;
Pegaseis pretium quo duce crevis aquis;
Cuius adhuc humeris vastam meditata ruinam
Pieris afflictum sustinet agra caput:
Quid reditus, Francisce, tuos trahis? aspice, quantis
Ausonia hunc votis flagitet orba diem.
Aspice, quot gemitus lamentaque libet adempto;
Pulset ut infesta pectus & ora manu.
Quam miseram nox certa manet, nisi protinus adsis.
Ore canis Paan præscius ista meo.
Nec vatū dubitanda fides: quid adesse moraris?
Tu Genius patriæ luxque vigorque sua.
Non fugiens nisi Sole vaga veniente tenebra.
Phæbe, serenatum tu facis ire diem.

IOH. BAPTISTÆ DONIO

Patricio Florentino, FRANC.

Viro inter doctos optimo,

Inter bonos doctissimo,

Musicae veteris, & antiquitatis omnis

Magno instauratori,

Immatura morte sublato.

Scientiarum pectus omnium sedes,
 Vindex vetusti temporis, sui lumen,
 Peitho Pelasga, Suada Romula gentis,
 Heirufca Siren, nectar unicum fandi,
 Sal Gratiarum, mens Leporis antiqui,
 Cortina Phœbi, Musici chori plectrum,
 Minerva amores, ipse Candor & Virtus;
 Hæc, pluraque his, hoc clausa nunc tacent saxo.
 Dixi, Viator, multa: nil tamen dixi.

AD DANIELEM BLANCKIVM

Gedanensem Borussum

Lycei Patavini Prorectorem,

Medicorum ordini insertum,
extemporalis gratulatio.

BLANCKI, erudita sceptrā cui Juventutis
 E flamma Achivā stragibusque Troianis
 Antēq̃ servata credidit Pallas;
 Post amulandi diligentiam exempli,
 Quā sese honōri prastitis parem tanto,
 Ne pramiorum summa culmini desit,
 Apollinari laurea tibi frontem,
 Phœbo sacrandā lectus arbiter turba,
 Scientiarum fax, Licetis obnubis;
 Quā rex minorum magnus Hadria undarū
 Prono feraces radit alveo campos;
 Tam doctam alumnū, tamque pectus excultū
 Lymphis Borussis invidente Bonaco.

Fortunæ imagini subscriptum,

In Philotheca

Illustrissimi ac Reverendissimi Viri

IACOBI PHILIPPI THOMASINI

Æmonienſis Episcopi.

Aternitati nate, virtutis capax,
Et mente facem vecte terrenam supra.

Contemne fluxa regna fallacis. Dea;

Neu blandienti credulam indulge fidem.

Debere sorti turpe, quod possis tibi.

Quanquam beatas rara commendes domos

Uterumque rebus addita afflictis comes,

Ac expeditas sarcinas secum trahas.

Egena Virtus omnium; dives sui.

Volubili Fortuna versatur rota,

Constans moveri semper, Et semper levis.

Fidam experiris et castino infidam die,

Scito futuram. lubrico imponis gradu.

Proinde, fama quisquis ac laudi incubas,

Atrocius quo servis, hoc perſta magis;

Neu fortuitis casibus tergum dato.

Cedunt prementis fata, cedentem premunt.

FINIS.

